

LIBURUAK

Izenburuak: ‘Heriovilleko sekretua’, ‘Zonbi Parkean harrapatuta’ eta ‘Zonbi mutanteen gaua’.

Egilea: Peter Walker. **Marrazkiak:** Bie.

Bilduma: Zonbi Gunea. **Argitaletxea:** Ibaizabal.

Eukene Herrera

IBAIZABAL ARGITALETXEKO LITERATURA SAILEKO ARDURADUNA

«Istorio arinak, biziak eta entretenigarriak dira»

Aita estresatua bizi dela eta, Rigau familia bake eta lasaitasun bila joan da Herioville herrixkara. Baina benetan herri baketsua eta lasaia ote da Herioville hori? Nola pentsatuko zuten, bada, zombiz beterik egongo zirela hango kaleak? Lasaituko ote da familia? Edo, estresak jota, lehen-go herrira joan beharko dute berriro? Zonbi Gunea bildumako lehen hiru liburuak kalean dira jada, euskaraz.

Nortzuk osatzen dute ZA kuadrilla?

Zonbien aurkako kuadrilla da ZA kuadrilla, eta zonbiak harrapatzea da haien ardura nagusia. Lau kidek osatzen dute: Charles, Thais, Paula eta Biel.

Charles da kuadrillako burua. Ez du nahi Max kuadrillako kide izatea, ez baitio inolako gaitasunik ikusten. Thais Charlesen lehenagusia da. Eta horri bai, izugarri gus-tatuko litzaiok Max ZA kuadrillako kide izatea. Thaisen lagun mina da Paula; oso neska trebea eta indartsua da. Kuadrillako laugarren laguna Biel da, nagia eta patxadazalea. Botere bereziak ditu: etorkizuna ikus dezake. Baina iragartzen duenaren guztiz kontrakoa gertatzen da beti.

Ez dira bilduma honetako protagonista bakarrak.

ZA kuadrillaz gain, Rigau familiako

kideak ere pertsonaia garrantzitsuak dira bilduma horretan.

Beste lau kidek osatzen dute Rigau familia: aita, Joan, estresak jota dago; ama, Cinta, oso zoriontsua zen hirian; Max, 8 urteko mutiko ausarta da, eta Hercules, etxeko txakurra.

Munstroak, zonbiak eta beste ere agertzen dira.

Bai, hala da. Max Rigau zoriontsu bizi zen hirian, txakurrarekin, gurasoekin, lagunekin. Halako batean, baina, Herioville-ra joan behar izan zuten. Aita estresatuta zegoen, eta leku baketsu bat behar zuen lasitzeko. Heriovillek, ordea, sekretu handi bat du: zonbien lurraldea da.

Lehen hiru liburu hauetan zer kontatzen da?

Heriovilleko sekretua da bildumako lehen liburua. Rigau familiak herria utzi eta Herioville-ra joan dela bizitzera kontatzen da lehenengo liburuan. Esan bezala, herri berezia da Herioville, sekretu handi bat gordetzen baitu: zonbiak bizi dira han. Eta, zonbiei aurre egiteko, kuadrilla berezi bat dago: ZA kuadrilla. Zonbiak harrapatzea da haien ardura.

Zonbi parkean harrapatuta liburu-



xe kuadrillan sartzeagatik edo zer egiteko prest dagoela erakutsiko du. Hala, gau beltza eta berezia izango du zonbi mutanteen artean. Bertute berezi bat duela jakingo du.

Oro har, nolako istorioak dira bildumakoak?

Intrigaz eta misterioz beteriko liburuak dira. Baina badute beste osagai interesgarri bat: umorea.

Istorio arinak, biziak, entretenigarriak dira. Pertsonaia dibertigarriak dira, eta egoera bereziak sortzen dira. Azken batean, ustekabez betetako istorioak dira; sorpresa eta ekintza ugari agertzen da liburuotan. Beste mundu bat erakusten diguten istorioak dira, gainera: zonbien mundua.

Testuak modu berezian idatziak daude: hainbat hitz letra mota ezberdinez nabarmentzen dira...

Bai, estetikoki liburu bereziak dira; itxura alaia eta biziak dute. Hainbat letra motarekin jokatu da, esaterako, irakurlearentzat liburua erakargarriago izan dadin. Letra motaren erabilera hitzaren beraren esanahiarekin lotuta dago. Adibide bat aipatzearren: beldurra adierazten duten hitzetarako, letra mota bat aukeratu da; beraz, beldurra adierazten duen hitz bat agertzen den

bakoitzean, aukeratutako letra mota hori erabiliko da.

Estetikoki, badute gatzetxoek eskertzen duten beste osagarri bat ere: marrazkiak.

Orain artean, zer-nolako harrera izan dute? Jarraipenik izango du?

Udazkenean hasi genuen bilduma, eta hiru liburu kaleratu genituen. Herrera ona izan du, eta, hori dela eta, laugarren titulua prestatzen ari gara udaberri honetarako; ziur ez dela azkena izango.



ruan, Maxek ZA kuadrillako kide izan nahi duela kontatzen da. Maxen nahia hori bada ere, Charlesek ezezko biribila eman zion. Soilik Thaisek eta Bielek dute konfiantza Maxengan. Jinkana bat prestatzen diote ezkutuko trebetasunak baliosteko, baina ez du gáinditzen proba bakar bat ere. Max trakets hutsa da, baina baita burugogorra ere. Egoskorkeria hori ikusita, Charlesek proba bat prestatzen dio, oso proba arriskutsua. Eta *Zonbi mutanteen gaua* da bildumako azken liburua, oraingoz. Ma-